

Uunga siunnersuut: Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. xx. xx. xxx 2016-imeersoq (siullermik Ivittuut Kommunerisimassaannit nunap immikkoortuanit sinniisussamik qinersisarnerup allangortinnera).

(Kommuninut, Nunaqarfinnut, Isorliunerusunut, Attaveqatigiinnermut, Ineqarnermullu Naalakkersuisoq)

Akissuteqaat

(Kommuninut, Nunaqarfinnut, Isorliunerusunut, Attaveqatigiinnermut, Ineqarnermullu Naalakkersuisoq)

Aappassaaneerinnineq

Inatsisissatut siunnersuutip suliarineqarneranut atatillugu Inatsisinut Ataatsimiititaliap sukumiisumik sulinerannut Naalakkersuisut sinnerlugit qujassutigiumavara.

Inatsisinut Ataatsimiititaliap Naalakkersuisut (kommunillu) kaammattorpai allakkatigut taasisinnaaneq pillugu innuttaasunut paasisutissiisarnissap eqqumaffigineqarneranik attasseqqullugit. Tamanna aamma ilinniartunut allanullu taasisinnaatitaasunut nunani allaniikkallartunut tunngatillugu.

Naalakkersuisut kaammattuut tusaatissatut tiguaat, aammalu Inatsisinut Ataatsimiititaliap isumaliutissiissutaat kommuninut sisamaasunut ilisimatitsissutitut nassiullugu.

Taamak oqaaseqarlutik Naalakkersuisut inatsisissatut siunnersuut saqqummiunneqartoq taamatut isikkoqartillugu pingajussaaneerneqarnissaa inassutigaa.